

ԿԱՖԱ ՔԱՂԱՔԻ ԱՆԿՄԱՆ ՀԱՐՑԻ ՇՈՒՐՁԸ

Վ. Ա. ՄԻՔԱՅԵԼՅԱՆ,

1475 թ. հունիսին թուրքական սուլթան Մահմեդ II-ի զորքերը հնգօրյա պաշարումից և հրետանային ուժերակոծությունից հետո գրավեցին Ջենովայի հանրապետության սեծովյան առևտրական գաղթավայրերի վարչական կենտրոն Կաֆա (այժմ Թեոդոսիա) քաղաքը¹։ Դրանով էլ Ղրիմում սկիզբ դրվեց թուրքական տիրապետությանը։ Կաֆայի անկումը պայմանավորված է եղել ներքին ու արտաքին բազմաթիվ պատճառներով։ XV դարի կեսերից Կաֆայում տնտեսական ծանր կացություն է ստեղծվում, աննախընթաց չափերի է հասնում մասսաների դժգոհությունը՝ թե՛ տնտեսական և թե՛ ազգային հողի վրա։ Մյուս կողմից՝ Ջենովայի հանրապետության, հետևապես և Կաֆայի համար զնալով սնրարենպաստ էր դառնում արտաքին-քաղաքական դրությունը, որը պայմանավորված էր ժամանակի միջազգային հարաբերությունների ընթացքով և, մասնավորապես, թուրքական նվաճումների հետևանքով առաջացած ծանր կացությամբ։ Ղրիմի ջենովական առևտրական գաղթավայրերի արտաքին-քաղաքական և ներքին-տնտեսական դրությունը բարդանում և սրվում է երկու հանգամանքով։ Ղրիմում թաթարների ինքնուրույն խանությունից հանդիմամբ, որի առաջին խան Հաջի-Գիրեյը բացարձակ թշնամանք էր տածում ղեպի ջենովացիները, և 1453 թ. թուրքերի կողմից նեղուցների գրավմամբ, որը խոշոր մի հարված էր ջենովական առևտրին։

Սուլթան Մահմեդ II-ը սկզբից ևեթ լուրջ խոչընդոտներ հարուցեց ջենովացիների սեծովյան առևտրին, նրանց առջև փակելով նեղուցները²։ Նման իրավիճակը ի վերջո անիմաստ ու անհեռանկար էր դարձնում ջենովական առևտրական տիրակալությունը սեծովյան ավազանում։ 1454 թ. Մահմեդ II-ի և Հաջի-Գիրեյի միջև կնքված պայմանագիրը³, որով խանը պարտավորվում էր պաշարել Կաֆան ցամաքից, իսկ սուլթանը խոստանում էր հարվածել ծովից, դրությունը դարձնում է սովելի լուրջ։ Երավվելուց հետո՝ Կաֆան պիտի դառնար խանի սեփականությունը, պայմանով, որ նրա ընակիչները համարվեին սուլթանի հպատակներ։ Սուլթանն ու խանը խոսքից անմիջապես անցնում են գործի։ Կաֆայի հյուպատոսի քարտուղարի հաղորդման համաձայն, թուրքական նավատորմից՝ կազմված 500 զալերներից, հուլիս սիմսին մտնում է Սև ծով և հարձակվում ջենովական Մոկաստրո (Ակկերման) ամրոցի

¹ Բրենց առևտրական գաղթատիրությունը Կաֆայում և շրջակա ծովափնյա շերտերում օկուպացիները հաստատել էին XIII դարի 60-ական թթ.։ 1454 թ. Ջենովայի հանրապետությունը, ընկնելով քաղաքական ու տնտեսական ծանր կացության մեջ, իր սեծովյան գաղթակետերը կապալով տալիս է սուրբ Կեդրգ մասնավոր բանկի վարչությանը։

² „Записки Одесского общества истории и древности“ (այսուհետև՝ ЗОДН), т. 8, 1872, էջ 113։

³ Նույն տեղում, էջ 114։

վրա⁴։ Սակայն հակահարված ստանալով, թուրքերը ետ են քաշվում և մոտենում Կաֆային։ Նույն ժամանակ ցամաքից քաղաքի պարիսպների տակ երևում են Հաջի-Գիրեյ խանի զորքերը⁵։ Թուրքական նավատորմի ղեկավար Թեմիր-Կայր իր մոտ է կանչում Կաֆայի ներկայացուցիչներին և նրանցից մեծ դիջումներ պահանջում⁶։ Կնքվում է պայմանագիր, որի համաձայն Կաֆացիները պարտավորվում են ամեն տարի թաթար խանին վարել 600 սոմ⁷, իսկ թուրքերին հանձնել պատանդներ⁸։ Բացի դրանից, թուրքական սուլթանին Կաֆան ամեն տարի տալիս էր 4000—8000 շերվոնեց⁹։

Ելնելով ստեղծված ծանր կացությունից և առաջին հերթին թուրքերի կողմից նեղուցները փակելու հետևանքով Արևելքի հետ այդ ուղիով առևտրի ընդհատումից¹⁰, սբ. Գևորգ բանկի վարչությունը 1454 թ. հոկտեմբերին Մահմեդ II-ի մոտ է ուղարկում հատուկ դեսպանություն, խնդրելով պահպանել խաղաղություն¹¹։ Իր հերթին Կաֆայի հյուպատոս Դեմետրիոս դե Վիվալդին ևս պատվիրակություն է ուղարկում Կ. Պոլիս¹²։ Ընդ որում, Կաֆայի պատվիրակներ Անտոնիոս դե Պինոն և Բատիստա Ալջերոն ավելի շուտ են ժամանում Կ. Պոլիս, որի պատճառով էլ Քիոս կղզի հասած ջենովական պատվիրակներին կարգադրվում է չմիջամտել Կաֆայի պատվիրակների բանակցություններին թուրքերի հետ¹³։ Ըստ երևույթին, մասամբ էլ այս բանակցությունների շնորհիվ էր, որ մինչև 1475 թ. թուրքերը այլևս հարձակումներ չէին գործում Կաֆայի վրա։ Թուրքական «խաղաղասիրական» վարմունքի հիմնական պատճառը, սակայն, այլ էր։ Զբաղված լինելով Վենետիկի և Հունդարիայի դեմ մղվող պատերազմական գործողություններով, թուրքերը, բնականաբար, Տավրիկիան գրավելու իրենց մտադրությունը գերադասում էին թողնել ավելի հարմար ժամանակի։

Տարեկան տուրք յտանալու պայմանով թուրքերը այդ ժամանակ Կաֆացիներին թույլ էին տալիս անցնել նեղուցներով¹⁴։ Դա, իհարկե, չէր նշանակում, թե նրանք վերացրել էին խոչընդոտները և նեղուցներով ազատորեն երթևեկելու իրավունք տվել։ Հաճախ ջենովական արագրնթաց նավերը ստիպված էին մարտեր մղելով անցնել նեղուցներից¹⁵։ Նեղուցների փակ լինելը ստիպում էր Կաֆացիներին մետրոպոլիտի հետ կապ պահպանել ցամաքային ուղիով՝ Մոկաստրո (Ակկերման) — Լվով — Բուդապեշտ ճանապարհով, որն այդ ժամանակ բավականին բանուկ էր դարձել¹⁶։ Պարզ է, որ այդ ճանապարհը չէր

⁴ Նույն տեղում։

⁵ Նույն տեղում։

⁶ Նույն տեղում։

⁷ Սոմը արծաթի որոշակի քաշ էր, այն հավասար էր 4,5—6 ունցի (19-րդ դարի կեսերի կուրսով)։

⁸ Նույն տեղում։

⁹ „Atti della Società Ligure di storia patria“ (այսուհետև Atti), t. VI, փաստաթուղթ MCCXXI.

¹⁰ „Известия Таврической ученой архивной комиссии“ (այսուհետև ИТАК), № 54, Симферополь, 1918, էջ 137։

¹¹ ЗООИД, т. 8, էջ 117։

¹² Նույն տեղում, էջ 122։

¹³ Նույն տեղում։

¹⁴ С. Секеранский, Очерки истории Сурожя, IX—XV вв., Симферополь, 1955, էջ 53։

¹⁵ ИТАК, № 54, էջ 136։

¹⁶ Նույն տեղում, էջ 139։

կարող փոխհատուցել նեղուցներով ազատ առևտուր անելու կորուստը: Ինքը Ջենովան էլ գտնվում էր արտաքին անբարենպաստ պայմաններում: Խշնամությունը Վենետիկի և Իսպանիայի հետ թուլացրել էր Ջենովայի տնտեսական ու ռազմական հզորությունը, և թույլ չէր տալիս նրան մեծ ու անհրաժեշտ օգնություն ցույց տալ տավրիկյան իր զաղթավայրերին:

Անբարենպաստ արտաքին պայմանները անդրադառնում են Կաֆայի առանց այդ էլ բարդացող ներքին կյանքի վրա: Նեղուցները փակելու հետևանքով առաջացած առևտրա-տնտեսական ճգնաժամը առավել սրում է դասակարգային հարաբերությունները: Առևտրական վերնախավը և ջենովացի պաշտոնեությունը ձգտում էին նախկինում առևտրից ստացվող օգուտի կորուստը այժմ փոխհատուցել տեղական բնակիչներից զանձվող հարկերն ու տուրքերը ծանրացնելու, դները բարձրացնելու հաշվին, իսկ դա, ինքնրստիքյան, ավելի էր սրում պայքարը ունևորների դեմ: Դժգոհությունը սաստկանում էր պաշտոնյաների կաշառակերության, արդարադատության բացակայության և տնվացիների հանդեպ ջենովացի ունևոր դասի ցուցաբերած վատթար վերաբերմունքի պատճառով: Քաղաքում գլուխ է բարձրացնում անարխիան, չկար անձի և զույքի անձեռնմխելիություն: Դրությունն այնքան վտանգավոր էր դարձել, որ շատերը հրաժարվում էին Ջենովայից մեկնել Կաֆա՝ այս կամ այն պաշտոնը ստանձնելու¹⁶, մինչդեռ առաջ այդ պաշտոնները վաճառվում էին: 1455 թ. Կաֆայի հյուպատոս Թոմասո դե Դոմոկուլտայի հաղորդումից երևում է, որ ջենովական զաղութներում լիակատար անիշխանություն էր տիրում, նավերի վրա և ափին անընդհատ ապստամբություններ ու ելույթներ էին տեղի ունենում, իսկ ջենովացիներին պատկանող Դրիմի ծովափնյա շերտի մի շարք ամրոցներ գրավել էին տեղացիները¹⁷: Քայքայվել էին քաղաքի ֆինանսները: Սբ. Գևորգ բանկի ղեկավարությունը հյուպատոսներին և ֆինանսական ծառայողներին հաճախ էր մեղադրում շարաշահումների և ապօրինությունների մեջ. նրանց համարելով զաղութային զանձարանի սնանկացման պատճառը¹⁸: 1457 թ., օրինակ, քաղաքի ղեկիցիտը, ըստ իտալացի գիտնական Կանալեի հաշվումների, հավասար էր 492 հազար ասպրի¹⁹:

Դրությունը Կաֆայում բարդանում էր տարբեր ազգությունների միջև եղած հակասությունների պատճառով: Հայերն ու հույները պայքարում էին ջենովական ճնշումների դեմ, բնդ որում այդ պայքարին մասնակցում էր նաև հայ և հույն առևտրական ու հարուստ դասի այն մասը, որին ջենովացիները գիտում էին իբրև իրենց մրցակցի. մյուս կողմից, ջենովական տիրապետության հիմքերը թուլացնում էին Կաֆայի թաթար բնակիչները, որոնք կապված լինելով զրսի իրենց ցեղակիցների հետ՝ նրանց հայտնում էին քաղաքի պաշտպանության զաղտնիքները²⁰: Այս նկատի ունենալով, տակավին 1449 թ. կանոնադրությունը ընդունում է նախազգուշական մի շարք օրենքներ, բնդհուպ մինչև քաղաքի և նրա արվարձանների մահմեդական բնակիչներին զենք կրելու կամ ունենալու իրավունքից զրկելը²¹:

¹⁶ ЗООИД, т. 8, էջ 118:

¹⁷ Նույն տեղում, էջ 123:

¹⁸ Atti, t. VI, փաստաթուղթ CCVIII:

¹⁹ ЗООИД, т. 5, էջ 630: Ըստ 19-րդ դարի իտալացի գիտնական Կանալեի հաշվումների ասպրի համասար էր 3 կոպեկի կամ ~ սուրի:

²⁰ Նույն տեղում:

²¹ Նույն տեղում, էջ 814:

Կաֆայի պաշտոնակալության կամայականությունները իրենց ամբողջ ուժով ծանրանում էին հատկապես հայ և հույն զանգվածների ուսերին: Ջենովացի հարուստ վաճառականներն ու ազնվականները «դատավորների կաշառակերության հետևանքով գրեթե միշտ արդար էին դուրս գալիս, շնայած նրանց աղքատ հակառակորդների արդարացի լինելուն»²², — գրում է Լ. Կոլին, հենվելով ժամանակի իտալական փաստաթղթերի մանրագնին ուսումնասիրության վրա: Կաֆայի պաշտոնյաները մշտական թշնամանքի մեջ էին միմյանց հետ, ձգձգում էին գործերը, կաշառքներ վերցնում և վեճերը լուծում ջենովացիների օգտին, մանավանդ, երբ աղքատ հակառակորդը լինում էր հայ, հույն կամ թաթար²³: 1455 թ. Ջենովա ուղարկած իրենց խնդրագրերում Կաֆայի հայերն ու հրեաները հայտնում էին, որ ջենովացի պաշտոնյաները իրենց վերաբերվում են թշնամաբար և ատելությամբ²⁴: Տեղացիների նմանօրինակ բողոքները նկատի ունենալով՝ սբ. Դեորգ բանկի վարչությունը XV դարի կեսերից մասնակի որոշումներ ու հրահանգներ է ուղարկում Կաֆայի իր պաշտոնյաներին՝ հայերի և հույների հետ համերաշխություն հաստատելու ցուցումներով²⁵: Սակայն դրանք չէին կենսագործվում, իսկ քաղաքի հիմնական բնակչության՝ հայերի և հույների բողոքներն ու դժգոհությունները օրրստօրե սրվում էին, մանավանդ որ դրանց առիթ էին տալիս իրենք՝ ջենովացիները, խառնվելով նաև նրանց եկեղեցական ներքին գործերին:

Անմխիթար վիճակում էր գտնվում քաղաքի պաշտպանությունը: Քաղաքը գուրկ էր հրանոթներից²⁶, թեև 1470-ական թթ. սբ. Գեորգ բանկը Աախենից ու Ստրասբուրգից այստեղ էր ուղարկել երկու վարձու հրետանավորների²⁷: Ըստ երևույթին բանկը մտադիր է եղել տեղում հրանոթներ արտադրել, բայց այդ նրան չի հաջողվել: Կաֆա են ուղարկվում շատ փոքր թվով վարձու զինվորներ, ինչպես նաև ռազմական ինժեներ Անտոնինո Բոնինոն²⁸: Եվ րնդհանրապես վտանգավոր այս տարիներին Ջենովային միայն մեկ անգամ հաջողվեց ցամաքով Կաֆա ուղարկել շատ փոքրաթիվ զորք: Քաղաքի պաշտպանականությունն ու դիմադրողականությունը բարձրացնելու ուղղությամբ ձեռնարկված քայլերը պարզապես անարդյունք են դուրս գալիս: Այսպես, 1463 թ. Կաֆայի ներկայացուցիչ Գամացոն, Լեհաստանի թագավորի թույլտվությամբ, Պոդոլյեում 500 հոգուց բաղկացած մի ջոկատ է հավաքագրում՝ Կաֆա բերելու համար: Բայց ճանապարհին այս վարձկանները ավերում են Բրացլավ քաղաքը և մարզային վոեվոդ Միխայիլ Չարտորիյսկին հետապնդում ու կոտորում է նրանց²⁹: Դեռևս դրանից առաջ, 1455 թ. սբ. Գեորգ բանկը փորձել էր երկու նավ ուղարկել Կաֆա, բայց թուրքերը նեղուցների մոտ դրանցից մեկը խորտակում են, իսկ մյուսին ստիպում ետ դառնալ³⁰: Անհետևանք մնացին նաև կա-

²² Л. Колли, Кафа в период владения ею банком св. Георгия. Симферополь. 1911, էջ 22:

²³ Տե՛ս նույն տեղում:

²⁴ Նույն տեղում, էջ 35:

²⁵ 1449 թ. կառնադրություն համապատասխան կետերը (ЗООИД, т. 5), ինչպես նաև ИТУАК, № 52, 1915, էջ 168:

²⁶ ЗООИД, т. 5, էջ 834:

²⁷ ИТУАК, № 54, էջ 139:

²⁸ Նույն տեղում:

²⁹ Н. Мурзакевич, История генуэзских поселений, Одесса, 1837, էջ 71:

³⁰ Նույն տեղում:

ֆացիներին օգնելու առթիվ հունդարական, ֆրանսիական, անգլիական և փորթուգալական թագավորներին արված խնդրանքները, ինչպես նաև Հռոմի պապի զիմումները՝ ինդուլգենցիաներ շնորհելու շուրջ խոստումներով³¹։

Մխիթարական շատ քիչ բան կար բուն Կաֆայի վարչության վարած արտաքին քաղաքականության մեջ՝ քաղաքի արտաքին կապերը կայունացնելու տեսակետից։ Քաղաքի թիկունքը թաթարական կողմից ոչ միայն խարխուլ էր, այլ ուղղակի թշնամական, թեև Հաջի-Գիրեյից հետո խան դարձած Մենգլի-Գիրեյը Կաֆայի իտալացիների հանդեպ բարյացակամ վերաբերմունք ուներ, որովհետև խանական զահի համար ութ եղբայրների մղած պայքարում Կաֆայի ջենովացիները պաշտպանել էին երկար ժամանակ իրենց մոտ դաստիարակություն ստացած Մենգլի-Գիրեյին։ Մենգլի-Գիրեյի եղբայրներն ու նրանց կողմնակիցները և առանձնապես Նորդուլետ-Գիրեյը՝ իր համախոհներով, բացարձակ թշնամական դիրք էին բռնել Կաֆայի և նրա դաշնակից Մենգլի-Գիրեյի հանդեպ և զաղտնի բանակցություններ էին վարում թուրքական վեզիրի հետ։ Նորդուլետին աջակցում էին որոշ ջենովացիներ, որոնք այս կամ այն առիթով դժգոհ էին Կաֆայի իշխանություններից։ Դրանցից էր, օրինակ, Յակոբո Գրիմալդին, որը, թաքնվելով Թամանում, հարաբերության մեջ մտավ խանի եղբայրների հետ և Նորդուլետին առաջարկեց իր ծառայությունները՝ Կաֆայի և Սուրխաթի վրա հարձակվելու նպատակով զինված ստորաբաժանում կազմելու գործում։ Նա Նորդուլետին խոստանում էր այդ քաղաքները զրավելուց հետո նրան ճանաչել խան³²։ Առևտրականների անվան տակ թուրքական գործակալները այդ ժամանակ վխտում էին Կաֆայում³³։

1468 թ. հյուպատոս Ջենտիլե դե Կամիլայի և մյուս պաշտոնյաների հրավերով Մենգլի-Գիրեյը, իբրև բարձր հյուր, ժամանում է Կաֆա։ Սրան առիթ էր ծառայել այն, որ խանը իջեցրել էր զաղութային գանձարանից խանությանը վճարվող հարկը³⁴։ Նրանց միջև կնքվում է դաշնագիր, որը վերականգնում էր 1381 թ. համաձայնության հոգվածները, խանության և Կաֆայի միջև հաստատում մշտական խաղաղություն և պարտադրում փոխադարձ պաշտպանություն և օգնություն՝ ընդդեմ արտաքին վտանգի³⁵։ Տվյալ դեպքում երկու կողմերն էլ ակնարկում էին թուրքական սուլթանին։ Սակայն ինչպես Մենգլի-Գիրեյի հետ բարեկամական այս կապերի հաստատումը, այնպես էլ բարեկամությունը հարևան Մանգուլի (Թողորոյի) իշխան Սաիկի (Իսահակի) հետ³⁶ չնչին պատենշ էին օրավուր մոտեցող թուրքական հեղեղի առջև։ Ավելին, հարևանների հետ այդ մերձեցումը, ինչպես և Բալկաններում թուրքերի անհաջողությունները, որոշ չափով ապակողմնորոշում են սբ. Գևորգ բանկի վարչությանը և թուլացնում Կաֆայի պաշտպանունակությունը բարձրացնելու ուղղությամբ նրա ձեռնարկումները։ Սբ. Գևորգ բանկի անհողությունն այնտեղ է հասնում, որ 1471 թ. Կաֆայի իշխանություններին ուղարկած հրահանգում նա պնդում էր, որ եթե նույնիսկ խանը հրաժարվի իր պայմանագրային պարտավորություններից, ապա քաղաքում եղած ուժերով թուրքերին կարելի է ետ շարտել։

31 Նույն տեղում։

32 ИТУАК, № 54, էջ 133։

33 Նույն տեղում։

34 Նույն տեղում, էջ 132։

35 Նույն տեղում։

36 Նույն տեղում, էջ 155։

«Կաֆայի կողմը կանգնած է 'Հրիմի խան Մենգլի-Գիրեյը, բայց պայմանագրի հողվածները պահպանելուց վերջինիս հրաժարվելու դեպքում՝ բերված ուժերի և միլիցիայի միացմամբ՝ թուրքերից վախենալը ավելորդ է»³⁷։ Եվ ասլա՝ «Կաֆան, փառք աստծո, պատասպարված նորերս նորոգված իր պարիսպների ետևում և այդպիսի բազմաքանակ վարձկան զորքերով, համարձակորեն կարող է հետ շարտել ոչ միայն թուրքերի, այլև ամեն մի այլ թշնամու հարձակում»³⁸։ Սրանք ինքնահանգստացման վտանգավոր խոսքեր էին, որովհետև վարձկանների թիվը քաղաքում առհասարակ շատ փոքր էր։ Բանկի կառավարչության կարգադրությամբ այն կրճատվում և հասցվում է ընդամենը 200 հոգու³⁹։ Այդ անհեռատես քայլը պատճառաբանված էր նրանով, որ իբր թե 'բունիյադի զլխավորած սերբա-հունդարական բանակի կողմից Բելգրադի տակ Մահմեդ II-ի զորքերի կրած ջարդից հետո Մենգլի-Գիրեյը պիտի հովանավորություն խնդրի ոչ թե Խուրքիայից, այլ Զենովայից⁴⁰։ Տկալացած Կաֆան ներքին և արտաքին այս անբարենպաստ պայմաններում կանգնում է թուրք-թաթարական միացյալ ուժերի սպառնալիքին դեմ-հանդիման. բավական էր մի հարված և այն կրնկներ։ Վերահաս աղետը արագացրեց ինքը՝ Կաֆայի ջենովական ապաշնորհ կառավարությունը՝ Կամպանիայի մարզի թաթարական կառավարչին հեռացնելու գործում ունեցած իր բացահայտ միջամտությամբ։ Մահմեդ II-ը, իհարկե, պատրաստվում էր վաղ թե ուշ պաշարել Կաֆան։ 1475 թ. սկզբներին նա արդեն պաշարել էր Մոկաստրոն⁴¹։ Բայց անտարակույս է այն, որ թաթարական կնճռոտ զործերին ջենովացիների միջամտությունը նպաստեց թուրք-թաթարական առանց այդ էլ համակիր ուժերի արագ միավորմանը։ Այդ միջամտությունը արտահայտվեց հետևյալ կերպ. 1473 թ. մահանում է Կամպանիայի մարզի պրեֆեկտ (տուգուն, կառավարիչ) Մամակը։ Մահից առաջ նա ցանկություն է հայտնում իշխանությունը հանձնել եղբորը՝ էմինեկին, զրանով իսկ զրկելով իր որդի Սայթադին այդ պաշտոնը ժառանգելուց⁴²։ էմինեկը ստանձնում է պաշտոնը և իր կառավարման ընթացքին տալիս հակաջենովական ուղղություն, արգելելով մթերքների ներմուծումը Կամպանիայից⁴³ Կաֆա⁴⁴։ Սա, իհարկե, չէր կարող դուր գալ ջենովացիներին։ էմինեկի դեմ էր գործում Մամակի այրին, փառասեր Ազրիպինան⁴⁵, որը սկզբից եեթ ձգտում էր տուգունի պաշտոնում տեսնել իր որդի Սայթադին։ Սրան հաջողվում է կաշառել Կաֆայի գրեթե բոլոր պաշտոնյաներին, այդ թվում՝ հյուպատոս Կաբելային և նրա առաջին ու երկրորդ օգնականներ Օրերտո Սկվարչիաֆիկոյին և Ֆրանչեսկո Ֆիեսկուն⁴⁶։ Ազրիպինայի կողմից կաշառված նրա զործակալ Կոստանդին Պետրարոսան, ջենովացի տարեգիր Զուլտինիանիի թողած տեղեկության համաձայն՝ «սկսում է համոզել Նիկոլո Տորիլին (Կամպանիայի ջենովական կա-

³⁷ Atti, t. VII, 1. փաստաթուղթ DCCCXLII.

³⁸ Նույն տեղում։

³⁹ ИТУАК, № 54, էջ 154։

⁴⁰ ЗООИД, т. 8 էջ 113։

⁴¹ Atti, t. VII, փաստաթուղթ MCXVII.

⁴² ИТУАК, № 55 էջ 155։

⁴³ Կամպանիա էր կոչվում 'Հրիմի հարավ-արևելյան ծովափը, որ ենթակա էր ջենովացիներին։

⁴⁴ Atti, t. VII, II, էջ 8։

⁴⁵ ИТУАК, № 55, էջ 155։

⁴⁶ В. Х. Кондоракки, Универсальное описание Крыма, т. 3, ч. 9, էջ 35։

ռավարչին—Վ. Մ.), նրան խոստանալով 2000 շերվոնեց, Օբերտո Սկվարչիաֆիկոյին՝ 2000 և այս կամ այն անձանց և հյուպատոսին տրվող ընդհանուր դրամը հասնում է վեց հազար շերվոնեցի: Եվ բոլորը լինելով աղքատ ու ժլատ՝ կաշառվեցին և միասին պայմանավորվեցին բավարարել այրու ցանկությունը և դուրս բերել Կամպանիայում Սայթաղին տեղակալ նշանակելը, ու նրան հրավիրել Կաֆա»⁴⁷:

1474 թ. նոյեմբերին Սայթաղը ժամանում է Կաֆա: Նույն ժամանակ Կաֆայի կառավարության հրավերով, իբրև հյուր, քաղաք է դալիս Մենդլի-Եիրենյը, որին հրավիրել էին Սայթաղին տուղուն դարձնելու համար նրա համաձայնությունը ստանալու նպատակով⁴⁸: Նոյեմբերի 14—20-ը խանը լինում է Կաֆայում, բայց համառում է էմինեկի փոխարեն նշանակել Սայթաղին, վախճնալով նյութվող գահակալական կռիվների բորբոքումից և Սայթաղի հակառակորդներ Կարա-մուրզայից ու Այդարից: Արտաքնապես Կաֆայի վարիչները չհակառակեցին խանին, իսկ վերջինս էլ Շիրինների տոհմի գլխավոր նշանակեց Կարա-մուրզային⁴⁹: Զգալով իր համար ստեղծվող անբարենպաստ վիճակը, էմինեկը փախչում է անհայտ ուղղությամբ⁵⁰: Կաֆայի բարձրաստիճան պաշտոնյաները, որոնք կաշառված էին Սայթաղի մոր կողմից, շարունակում են ճնշումը խանի վրա, սպառնալով Սայթաղին շնշանակելու դեպքում չազատել նրա պատանդ եղբորը: Բսկ դա կսրեր գահակալական պայքարը խանի և նրա եղբայրների միջև: Մենդլի-Եիրենյը ստիպված համաձայնում է Սայթաղի նշանակմանը, «որ հույժ վտանգավոր էր և խանի և գաղութի համար»—իրավացիորեն եզրակացնում է Մ. Մալովիստը⁵¹:

Էմինեկը, որը դաստիարակված էր քրիստոնյաների նկատմամբ ատելության ոգով և առանց այդ էլ փայփայում էր ջենովացիներին Ղրիմից դուրս քշելու մտադրությունը, գործում է ավելի վճռական կերպով: Իրեն մտերիմ ջենովական պաշտոնյա Անդրեա Ֆատինանտի աջակցությամբ⁵² փախչելով Կաֆայից և հենվելով թաթարական պետերի՝ իրեն կողմնակից մասի վրա, նա համաձայնության է գալիս թուրքական սուլթանի հետ՝ միացյալ ուժերով Կաֆայի վրա հարձակվելու համար⁵³:

Միլանի և Բուդապեշտի արխիվներում պահպանված մի շարք փաստաթղթեր, որոնց մի մասը թարգմանել և հրատարակել է Լ. Պ. Կոլին՝ «Պատմական վավերագրեր Կաֆայի անկման մասին» վերտառությամբ, ստույգ տեղեկություններ են պարունակում Կաֆայի գրավման և նրա բնակչության նկատմամբ գործադրված անօրինակ բռնությունների մասին:

1475 թ. մայիսի վերջերին թուրքական նավատորմը, Կետիկ Ահմեդ փաշայի հրամանատարությամբ, մոտենում է Կաֆային: Հունգարական թագավորի մոտ Վենետիկի դեսպան Սեբաստիան Բադորոյի 1475 թ. հունիսի 10-ի հաղորդումից երևում է, որ թուրքերին են միանում թաթարական բարձրաստիճան զինվորական պետերը, ինչպես նաև «անդրալպիացիները» (նկատի ունի լե-

⁴⁷ ИТУАК, № 55, էջ 155:

⁴⁸ Նույն տեղում, էջ 161—162:

⁴⁹ Marian Mal'owist, Kaffa w drugiej pole'owie XV-ego wieku, Warszawa, 1939, էջ 56:

⁵⁰ Նույն տեղում:

⁵¹ Նույն տեղում:

⁵² ИТУАК, № 55, էջ 174:

⁵³ Նույն տեղում:

հերին ու գերմանացիներին)⁵⁴։ Թուրքական դեսանտային ուժերի՝ ցամաքից Կաֆային մոտենալու ժամանակ, քաղաքից 7 կմ հեռավորության վրա գտնվող Պասիդինա նավահանգստում, թաթարական վարիչների և թուրքական հրամանատարության միջև կնքվում է համաձայնագիր՝ ռազմական համատեղ գործողությունների վերաբերյալ։ Ականատեսներից մեկը, որը գերի էր բերվել Կոստանդնուպոլիս, այնտեղից գրում էր, թե համաձայնություն կնքելու հաջորդ օրը, հունիսի 1-ին, Կաֆան ցամաքից և ծովից լրիվ շրջապատման է ենթարկվում⁵⁵։

Կաֆան ծովից պաշարել էին տարբեր մեծության 480 թուրքական ռազմանավեր՝ զինված պաշարողական հրետանիով։ Հայկական աղբյուրները նշում են 300 նավ⁵⁶։ Քաղաքի բնակչությունը, զրկված լինելով հրետանուց և զրսի որևէ օգնությունից, հուսահատական դրության մեջ ապավինել կարող էր միայն իր անհամեմատ փոքրաթիվ ուժերին։ Նա գուրկ էր ոչ միայն բավարար քանակությամբ զինապաշարից, այլև երկարատև պաշարման ժամանակ անհրաժեշտ պարենից։ Այնինչ թուրքերին էին միացել 60.000 թաթարներ⁵⁷, ինչպես նշված է Մուղավիայի վոեվոդ Ստեֆանի մոտ եկած հունգարական թագավորի դեսպաններ Դոմինիկո Դ'Ալբա-Ռեալի և նրա ընկեր Գասպարի հաղորդագրության մեջ։ Իսկ Քիոս կղզուց ուղարկված անստորագիր մի նամակից երևում է, որ թուրքերից և իրեն անհնազանդ թաթարներից սարսափած Մենգլի-Գիրեյը, զգալով, որ այլևս անօգնական է պահելու իշխանությունը, 1500 հեծյալների հետ ճողոպրում է Կաֆա՝ դրանով իսկ առավել ազատ գործելու հնարավորություն տալով էմինեկին և իր մյուս հակառակորդներին։ Այնպես որ սրա հետ Կաֆայի կառավարության ունեցած համաձայնությունը փաստորեն կորցնում է իր նշանակությունը։ Թշնամի ուժերի մեջ էին նաև խանի եղբայրները։

Հինգ օր շարունակ կաֆացիները դիմադրում էին։ Մարտնչողները հիմնականում քաղաքի բնակիչ տասնյակ հազարավոր հայերն էին և ապա՝ հույները և ոչ թե 1000 ջենովացիները⁵⁸։ Քայնժամ ընդդիմացան իշխանքն և ազնուականք մեր և ոչ ետուն զրերդն⁵⁹, — ասում է ղրիմահայերի հիշատակարանը։ Հինգերորդ օրը, այսինքն հունիսի 4-ին կամ 5-ին (հին տոմարով), գրում էր Քիոս կղզում ապրող Ջենովայի քաղաքացի Ջիակոմո Ջուստինիանին 1475 թ. հուլիսի 10-ին, հայերն ու հույները հայտարարում են «լատինացիներին՝ այսուհետև թուրքերին դիմադրելուց իրենց հրաժարվելու մասին և պահանջում հանձնվել»⁶⁰։ Բոլորովին սխալ կլիներ, իհարկե, իրերի պարտադրմամբ հայերի ու հույների առաջ քաշած այս ստիպողական պահանջը ներկայացնել իբրև դավաճանություն կամ մատնություն։ Իրողությունն այն է, որ ջենովացիների կողմից գրեթե անպաշտպան թողնված քաղաքը հայերն ու հույները անկարող էին պաշտպանել թուրք-թաթարական թռփ ու թուֆանք շատս ունեցող, այսինքն ժամանակի ռազմական տեխնիկայով հագեցված ուժերի հանդեպ, ու-

⁵⁴ Л. П. Коллн, Исторические документы о падении Кафы, էջ 8։

⁵⁵ Ф. Брун, Черноморье, часть, 1, էջ 236—237։

⁵⁶ Հայկական ՄՍԹ Մատենադարան, ձեռ. № 7442, ք. 281բ։

⁵⁷ Л. П. Коллн, Исторические документы о падении Кафы, էջ 12։

⁵⁸ Նույն տեղում, էջ 14։

⁵⁹ Ашп, т. VII, II, էջ 343 և С. Секеринский, «ՀԳ. աշխ.», էջ 229։

⁶⁰ Հայկական ՄՍԹ Մատենադարան, ձեռ. № 7442, ք. 281բ։

⁶¹ Л. П. Коллн, Исторические документы о падении Кафы, էջ 16։

րոնք, ի դեպ, քաղաքը զրկել էին պարենից և խմելու ջրից: Ողբալուով քաղաքի անկումը, ներսես Կաֆայեցին իր տաղում ասում է⁶².

Ինն Վ հայոց բվին Ի՛ն Նվր անլին,
Ի յաղզմանն մեղաց շարին.
Միարանեցան այն ասեկրնին,
Քարաւն եկավ ի վերայ Կաֆին,
Ջրերն զամլնրն կտուցին.
Կրո՞վ տրին ի հետ ֆաղին,
Եւ շատ արին Երկիր հեղին.
Յետոյ եկին Ղատրը դանին,
Ուր ԳՆ էր անլին.

Եւ միարանի դուռս ելին
Չկաֆայ ֆաղաֆն բոլորեցին,
Բաղում անբիվ հեծեալ էին,
Քօփ ու բուֆանք շատ ունիւն...

Մեծ մեծ բօփերն Երբ ֆալեցին,
Երկինք Եւ Երկիր կու գողային.
Խիստ շատ վնաս եղև ֆաղին,
Տուն տահաբերն բլին:

Օրհասական այսպիսի վիճակը ստեղծում է Կաֆայի բնակիչներին հանձնրվել թուրք-թաթարական զինված ուժերի ողորմածությունը: Քիտս կղզուց Ջենովա ուղարկած անստորագիր նամակի հեղինակը, որը ուղղակի բացասաբար է տրամադրված դեպի տեղացիները, նշում է ձեռնարկած այդ քայլի դրդապատճառը: «Այս վերջինները (հայերն ու հույները—Վ. Ս.),—գրում էր նա,—զղալով, որ պաշտպանվելու համար իրենք քանակապես շատ թույլ են, հայտնում են թուրքական պետին, որ ցանկանում են հանձնվել, այլապես սրախող-խող կարվելին այնքան լատինացիներ, որքան կպտնվեր Կաֆայում⁶³, Ինչպես վկայում է նամակից մեջ բերված հատվածը, նույնիսկ նրա հեղինակը չի կարողացել թաքցնել այն իրողությունը, որ նախ՝ ջենովացիների կողմից անպաշտպան թողնված քաղաքի միակ պաշտպանները եղել են հայերն ու հույները և որ վերջիններիս կողմից թուրքական զորքերին հանձնվելը ստիպողական մի քայլ էր ապարդյուն դիմադրությունից հետո և, վերջապես, որ այդ քայլի շնորհիվ ջենովացիների (լատինացիների) թեկուզ մի մասը հնարավորություն ստացավ խուսափել մահից:

Իսկ ազգն Ֆոանկաց առեալ հրաման,
Չուեալ աստուտ զնացին ի Ֆոանկստան⁶⁴.—

ասում է Մարտիրոս Ղրիմեցին, կարծես հաստատելու համար այս միտքը:

Կաֆայի պաշարման ժամանակ իրենց կորցրած ջենովական պաշտոնյաները ստիպված են լինում քաղաքի պաշտպանության գործը և զորքերի հրամանատարությունը հանձնել տեղացի մի հայի⁶⁵: Հավանաբար, հյուպատոսն ու մասալները տվյալ դեպքում չեն կարողացել աչքաթող անել այն, որ քաղաքի պաշտպանները հիմնականում հայերն են՝ իբրև բնակչության ճնշող մեծամասնություն: Քաղաքի պաշտպանները խելացի են համարել հանձնվել, քան թե մի երկու օր էլ անզոր դիմադրություն ցույց տալ, այն էլ այն ժամանակ, երբ թուրքական հրետանին քաղաքի պարիսպների մեջ բազմաթիվ ձեղքվածքներ էր առաջացրել⁶⁶: Ընդ որում, թուրքերին հանձնվելու որոշումը ընդունվել է այն բանից հետո միայն, երբ ջենովական առանց այդ էլ աննշան քանակի վարձկան զորքերը լիովին բարոյալքվել էին, իսկ նրանց հրամանատարն էլ

⁶² Հայկական ՍՍԽ Մատենագարան, ձեռ. № 7709, էջ 37—38:

⁶³ Л. Колл и, Исторические документы о падении Кафы, էջ 14:

⁶⁴ Ա. Մարտիրոսյան, Մարտիրոս Ղրիմեցի, էջ 150:

⁶⁵ В. Х. Кондорак и, Универсальное описание Крыма, т. 3, ч. 9, էջ 37:

⁶⁶ „Сын Отечества“, 1848, № 10, էջ 67:

փախուստի էր դիմել: «Տեսեալ իշխանաց մերոց և զաղնուականաց զթուլութիւն իշխանին ջինիւիզաց և զօրացն նոցին. մանավանդ թէ իշխանն փախուստ էառ, անճար մնացեալ ի սովու, առին զերդումն և զքաղաքն ետուն թուրքաց»⁶⁷:

* * *

Տեր դառնալով Կաֆային, թուրքական զորքերը, թաթարների հետ միասին, իրենց սովորության համաձայն դրժում են տված խոստումը և քաղաքը կատարյալ սպանդանոցի վերածում: Թե՛ հայկական և թե՛ իտալական աղբյուրները⁶⁸ վկայում են, որ քաղաքի քրիստոնյա բնակչությունը թուրքերի կողմից անխնա սրի է քաշվում: Թե որքան էր սպանվածների թիվը, այդ մասին աղբյուրները լռում են: Բայց բոլոր այդ աղբյուրներից երևում է, որ հսկայական թվով բնակչություն է կոտորվել:

Ապա սպանդին հաջորդում են դերեվարությունն ու հարկերի ծանրացումը: Թուրքական հրամանատարությունը նախ կատարում է դույքագրում և բնակչության հաշվառում. «մանր ու մեծն դրեցին»,—ինչպես ասում է Ներսես Կաֆայեցին⁶⁹: Սկզբում Կեսիկ Ահմեդը հայտարարում է, թե ինքը հրամայել է կազմել չաղաքացիների ունեցվածքի ճիշտ ցուցակ, իբր թե որպեսզի հնարավոր լինի արդարացի կերպով բաշխել հարկերը⁷⁰: Այնինչ այդ հաշվառումը նրան պետք էր, որպեսզի պարզի, թե ով ինչ ունի և ապա դրանք բռնադրվի: Նվ իրոք, թուրքերը «զամեն ի քաղքէն ժողովեցին» և «զամենն առեալ կողոպտեցին»⁷¹:

Ստաբերկրյա վաճառականներից փաշան պահանջեց վճարել 20—25 հազար դուկատ, իսկ ջենովացիներից՝ մի դումար, որը հավասար էր նրանց ունեցվածքի արժեքի կեսին⁷²: Մանր էր տեղացիների վիճակը: Ներսես Կաֆայեցու ասելով՝

Տունն ու աւրին գին բռնեցին.
Ջերեմ բաժինն եւս աղէին.
Աղաչանօք գկէսն առին:
Խիստ նեղութիւն կայր քաղաքին.
Ամենն ի լաց հառաչէին
Հաւնփայ շիքս: ու փախչէին...⁷³

Այրա Յուլիա քաղաքի (Տրանսիլվանիայում) եկեղեցու ավագ քահանա, պապական պրոտոնատար Դոմինիկի՝ Կաֆայի անկման մասին 1475 թ. ուղարկած հաղորդման մեջ ասված էր, որ թուրքերին է տրվել 1011 կաշե տոպրակներով լիքը դրամ, չհաշված թանկագին քարերը, ընդ որում յուրաքանչյուր

⁶⁷ Հայկական ՍՍԽ Մատենադարան, ձեռ. № 7442, Թ. 281ր:

⁶⁸ Լ. Խաչիկյան, Ժեղարի հայերեն ձեռագրերի հիշատակարաններ, մասն Բ, էջ 389—390, տե՛ս Հայկ. ՍՍԽ Մատենադարան, ձեռ. № 7442, Թ. 281—282, ձեռ. № 7709, Թ. 57—59, „Заседания Одесского общества ист. и древностей“, заседание 269, от 3 марта 1893 г. Письмо настоятеля церкви Алба Юлия (Կաֆայի անկման մասին), էջ 6—8: „Сын Отечества“, 1848, № 10, էջ 67: «Արար», 1911, № 10—11, էջ 110 և այլն:

⁶⁹ Հայկ. ՍՍԽ Մատենադարան, ձեռ. № 7709, Թ. 58:

⁷⁰ „Сын Отечества“, 1848, № 10, էջ 67:

⁷¹ Հայկ. ՍՍԽ Մատենադարան, ձեռ. № 7709, Թ. 58:

⁷² „Сын Отечества“, 1848, № 10, էջ 68:

⁷³ Հայկ. ՍՍԽ Մատենադարան, ձեռ. № 7709, Թ. 59:

տոպրակում եղել է 600 դուկատ: Այլ տեղեկությունների համաձայն թուրքերը վերցրել են քաղաքի գույքի կեսը և 15.—100 ասպր՝ յուրաքանչյուր բնակչից⁷⁴:

Ջենովական աղբյուրներից քաղած նյութերի հիման վրա Վ. Կոնդորակին որում է, որ թուրքերը քաղաքի 40 հազար բնակիչների տեղափոխեցին Կոստանդնուպոլիս⁷⁵: Տղաներին վերցնում են Լեռնաբլուրի, իսկ պեղեցիկ աղջիկներին՝ հարեմ⁷⁶: Թուրքերը շխնայեցին նաև Կաֆայի իտալացի բարձր պաշտոնյաներին, մասար 0. Սկվարչիաֆիկոյին նրանք կախեցին, իսկ հյուպատոս Կաբելային՝ բռնեցին թիապարտության⁷⁷:

Թուրքական լուծր ծանր նստեց նաև Կաֆայի հայ ազգաբնակչության վրա: Հայերի մարդկային կորուստները և զրկանքները հետագայում պահպանվել ու գրանցվել են ղրիմահայերի պատմություն—հիշատակարանում, որտեղ ասված է, թե խախտելով կնքած պայմանը՝ թուրքերը «հանապազ հարկադրեցին իշխանաց մերոց և ազնուականաց՝ դառնալ ի կրօնս մահմեդական. զի դիրաւ նուաճել ղմնացեալ գոեհիկս»⁷⁸: Կէտիկ Ահմեդ Փաշան մի քանի անգամ հաւ երեւելիներին իր մոտ ճաշի հրավիրելով՝ նրանց առաջարկում է մահմեդականություն ընդունել: Հայ իշխանավորները մերժում են նրա առաջարկը: Փաշան դիմում է նենգության: Կրկին անգամ հայ մեծավորներին իր մոտ ճաշի կանչելով, նա ասում է, թե քանի որ մենք արդեն բարեկամներ ենք, ապա վիրավորական է, որ նրանք իր մոտ զինված են գալիս. «ուշ է պատեհ ձեզ զսուր ընդ մեջ կապեալ առ իս գալ ի ճաշ, կամ լինթրիս»⁷⁹: Կատարելով փաշայի կամքը, վերջինիս մոտ նրանք «գնացին սուանց սրոյ»⁸⁰: Եվ «յետ ճաշելոյ նոցին ի յիջանելն ի ձիգ ձիգ աստիճանսն պալատին՝ դահիճքն ըստ հրամանի փաշային՝ մի-մի կոտորեալ արկին ի ծով... Ապա հրամայեաց թուրքաց և ի թաթարաց կոտորել զամենայն ազգս հայոց, որք ի նմին աւուր բազմամարդ քաղաքն Ֆեօդոսիայ սակաւաբնակ արւարին. զի գծերս և գտղայս, զարս և զկանայս սրոյ ճարակ ետուն և զարիւնս նոցա յերկիր հեղեղեալ իբրև զվտակս գետոց ընթանայր ի փողոցսն...»⁸¹: Ապա գերելով «անթիվ աղջիկք և մանկունք և մատաղ տղայք», թուրքերը նրանց նավերով տանում են Կ. Պոլիս: Ղրիմահայերի հիշատակարանի այս տեղեկությանը նույնությամբ հանդիպում ենք Ներսես Կաֆայեցու «Ողբ մայրաքաղաքին Կաֆայու» տաղում:

Կտրիճ մարդիբրն մորղեցիս, զղուստը և ուղիքն ժողովեցիս:

Ջնուրն գլուխն կտրեցին, գորդիքն սուին և զեւեցին:

Անխնա ժողովեցին, զերկու եղբայրքն ի մեկ տեղին:

Ջնուրսպսակ հարսս ու փեսան լալով առին ի նաւ դիւս⁸²:

⁷⁴ „Заседание Одесского общества истории и древностей“, заседание 269, 3 марта 1893 г., էջ 8:

⁷⁵ В. Х. Кондоракки, Универсальное описание Крыма, т. 3, ч. 9, էջ 37:

⁷⁶ Նույն տեղում:

⁷⁷ «Արոր», 1911, № 10—11, էջ 110:

⁷⁸ Հայկական ՍՍՌ Մատենադարան, ձեռ. № 7442, ք. 281ր:

⁷⁹ Նույն տեղում:

⁸⁰ Նույն տեղում:

⁸¹ Նույն տեղում, ք. 282ա:

⁸² Նույն տեղում, ձեռ. № 7709, ք. 58:

Կաֆացիների բախտին: արժանացան նաև Կազարաթի ու Սուրխաթի հայերը⁸³։ Ղրիմի երբեմնի զուտ հայկական գյուղաքաղաք Կազարաթը, հավանաբար, այդ ժամանակ է քարոքանդ դարձել և ավերակների վերածվել, որովհետև XVI—XVIII դարերի ձեռագրերում այդ անվամբ բնակավայր այլևս չի հիշատակվում։

Ղրիմի այս անցքերից մի փոքր ուշ՝ 1476 թ. սուլթան Մուհամեդը «ծովով և ցամաքով» հարձակվում է «Ի Ստեֆան ի վոյվոտային վերայ», այսինքն Մոլդավիայի վրա⁸⁴, մտնում է երկիրը, ավերում և կոտորում բնակչությանը, որից, իհարկե, չէին կարող խուսափել նաև այնտեղ ապրող հայերը։ Մոլդավահայերը առավել մեծ զրկանքներ ու զոհեր են կրում և տեղահանության ենթարկվում Մուհամեդի հաջորդ սուլթան Բայազետի օրոք։ 1484 թ. Դանուբի գետաբերանի նավահանգիստ Կիլիան գրավելուց հետո թուրքերը բազում զորքով հարձակվում են Ակկերմանի վրա։ Գրիգոր Դարանադցու ասելով, սուլթանը «զհոն ևղած հայերին սուրկուն արար (այսինքն արտաքսեց—Վ. Մ.), և զհոռոմքն այլ և զինչ ազգ որ այնդ կային՝ զամենքն կնոջմովք և տղայմովք՝ զամենքն հանեց և երեք յճստամբօյս»⁸⁵։

* * *

Բուրժուական և կղերա-ֆեոդալական մի քանի պատմաբաններ, չմբռնելով XV դարի կեսերին Եվրոպայում և Մերձավոր Արևելքում տեղի ունեցած իրադարձությունների էությունը, այն միտումնավոր կարծիքն են հայտնել, թե Կաֆայի սնկման պատճառներից մեկը հղել է քաղաքի մի քանի հայ մեծահարուստների զավաճանությունը։ Այս կարծիքը առաջ քաշող հեղինակները ուղղակի կամ անուղղակի իրենց այդ պնդումը առնչել են կաթոլիկության հանդեպ զրիմահայերի ունեցած դիմադրության, նրանց հակալատին նկրտումների և, մասնավորապես, քաղաքի հայ եպիսկոպոսական աթոռի թեկնածուի առիթով 1471—1475 թթ. Կաֆայի հայ զաղութում բորբոքված պայքարի հետ։

Հայտնի է, որ տակավին XIV դարի սկզբներից զրիմահայերը, մանավանդ թերակղզու հարավ-արևելյան ծովափնյա շերտում հաստատվածները, սկսում են դիմադիր կանգնել պապական քարոզիչներին, որոնք 1318 թ. Կաֆայում հաստատված եպիսկոպոսությունը⁸⁶ դարձնելով հենակետ՝ լայն գործունեություն էին ծավալել այլազգիներին կաթոլիկացնելու ուղղությամբ։ Ներհակությունը մի կողմից հայ ազգաճնակչության (որի թիվը միայն Կաֆայում նրա անկման նախօրյակին հասնում էր շուրջ 46 հազարի)⁸⁷, իսկ մյուս կողմից՝ Ղրիմում գործող կաթոլիկ հոգևորականության ու ջենովական պաշտոնեական միջև ավելի բացահայտ կերպարանք է ստանում Կաֆայի անկմանը նախորդող տարիներին (1471—1475 թթ.), երբ քաղաքի ջենովական զաղութային վարչությունը ուղղակի միջամտում է եպիսկոպոսական աթոռի թեկնածուի շուրջ հայկական համայնքում ծայր առած պայքարին։ Վերջինս տեղի մոտ հինգ տարի և քաղաքի հայությանը բաժանեց երկու մասի. մի կողմում գոր-

⁸³ Նույն տեղում, ձեռ. N° 7142, Թ. 292ա։

⁸⁴ Գրիգոր Դարանադցի, Ժամանակագրություն, Երուսաղեմ, 1915, էջ 11։

⁸⁵ Նույն տեղում, էջ 12։

⁸⁶ W. Heyd, Geschichte des Levantehandels im Mittelalter, Stuttgart, 1879, էջ 178։

⁸⁷ Atti, t. VII, II, էջ 343։

ծում էր հայ առևտրա-վաճառական վերնախավի ամենից ավելի զորեղ և ջենովական պաշտոնեության ու առևտրական կապիտալի հետ կապված մասը, բանկիր Կուբլուկ-բեյի որդի Կայարեսի գլխավորությամբ, իսկ մյուսում՝ քաղաքի աշխատավոր հայ զանվածները։ Այսպիսով, եպիսկոպոսական աթոռի թեկնածուի առիթով ծայր առած հակամարտությունը ըստ էության սոցիալական էր։ Այդ պայրարին Կաֆայի գաղութային իշխանության ցույց տված միջամտությունը, որի մասին մենք վստահելի տեղեկությունների ենք հանդիպում հենց Կաֆայի բարձրաստիճան պաշտոնյաների՝ հյուպատոս Կարելայի և նրա հակառակորդ մասար⁸⁸ Սկվարչիաֆիկոյի այդ թվականներին Զենովա ուղարկած իրարամերժ գեկուցագրերում⁸⁹, առավել խտացնում է հայ աշխատավորների դժգոհությունը լատինացիների հանդեպ։

Կաֆայի անկումը չի կարելի պատճառաբանել նաև տեղացի ազգաբնակչության, այդ թվում նաև հայերի, դեպի եկվոր ջենովացիներն ունեցած որոշակի հակակրանքով։ Որքան էլ մեծ չինքն դեպի ջենովացիները տածած հակակրանքը, այնուամենայնիվ թուրքական ահ ու սարսափի հանդեպ այն նսեմանում էր, որովհետև թուրքական տիրակալությունը նախ և առաջ նշանակում էր մահ և գերություն, ազգային և կրոնական լլկում։ Ուրեմն ջենովացիների հանդեպ ունեցած որոշակի դժգոհությունը չէր կարող հայերին մղել դեպի թուրքական կողմնորոշում։ Տվյալ դեպքում ջենովացիները, իհարկե, չարիքներից փոքրագույնն էին։

Այնինչ դեպի ջենովացիները հայերի ունեցած դժգոհությունն ու հակակրանքը, ինչպես նշեցինք, որոշ հեղինակներ փորձել են դարձնել հիմք՝ Կաֆայի անկման պատճառը համարելու նաև մի քանի հայ մեծահարուստների դավաճանությունը։ Ռուսաստանի կաթոլիկների առաջնորդ Սեստրենցեևիչ-Բոգուշը իր «Տավրիայի պատմությունը» գրքում, հակասելով պատմական իրողությանը, գրում է. «Բայց երբ գործերի հրամանատար դարձավ հայ ժողովրդի գլխավորներից մեկը, ապա փաշան կարողացավ համոզել ցույց չտալ իսկական դիմադրություն, և շուտով նա հանձնվեց հաղթողի կամքին»⁹⁰։ Նրան հետևելով, Վ. Խ. Կոնդորակին գրում է, թե թուրքերը Կաֆան գրավեցին երբ օրվա ընթացքում, 8 հայ վաճառականների օգնությամբ։ Նրա ասելով՝ անձնատուր եղողը գործերի հայազգի հրամանատարն էր⁹¹։ Առեղծված է մնում այն, թե հեղինակը ինչի հիման վրա է այդպիսի հայտարարություն անում։ Եթե նա նկատի ունի մեծահարուստ Կայարեսի նման Կաֆայի 8—10 այն հարուստներին ու դրամատերերին, որոնց մասին նշում էր հյուպատոս Կարելան 1475 թ. փետրվարի 12-ի իր նամակում, ապա դարձյալ հիմնավոր տարակուսանք է առաջացնում այն, թե ինչու հեղինակը նրանց դավաճանության մեջ է մեղադրում։ Չէ՞ որ հյուպատոսը պարզապես նշում էր, որ քաղաքում այդպիսի հարուստներ կան, առանց որևէ ականարկ անելու նրանց թուրքասիրության մասին։ «Ժողովրդի մեծամասնությունը,— գրում էր հյուպատոսը,— Տեր Ոնանեսի (Տեր Հովհաննեսի—Վ. Մ.) կողմն է, և միայն հարուստների ու անհանգիստների

⁸⁸ Մատարր ֆինանսական կառավարիչ էր, նա համարվում էր հյուպատոսի առաջին տեղակալը։

⁸⁹ ИТУАК, № 55, էջ 147, 152, 163։

⁹⁰ Сестренцевич-Богущ, История о Таврии, СПб., 1803, II, էջ 202—210։

⁹¹ В. Х. Кондораки, Универсальное описание Крыма, т. 3, ч. 9, 1875, էջ 37 և 68։

ինչ-որ մի դուռին պաշտպանում է երկրորդին»⁹²։ Կոնդորակին հետևող հեղինակների այդ կարծիքը իրավացիորեն վիճարկում է 1848 թ. «Сын отечества»-ում տպագրված «Իտալացիների առևտուրը XIII—XIV դարերում» ուսումնասիրության անանուն հեղինակը։ Նա ընդգծում է, որ իտալական աղբյուրներում և ջենովական տարեգրություններում 8 հալ վաճառականների դավաճանության մասին ոչինչ չկա⁹³։ Ն. Ն. Մուրզակեիչը հայտարարում է, թե Կաֆան թուրքերը գրավեցին մի քանի հայերի դավաճանությամբ. «Հունիսի 6-ին,—ասում է նա,—Կաֆայի կառավարությունը հանկարծ առաջարկում է քաղաքի անպայման հանձնում, հույս դնելով հաղթողի մեծահոգության վրա։ Այդ արարքի մեղավորներին համարում են Սկվարչրաֆիկոյին և մի քանի հայերի»⁹⁴։ Նա ևս լռում է, թե ինչ աղբյուրներից է ինքն այդ տեղեկությունը քաղել։ Ակնհայտ է, որ երկուսն էլ անճիշտ եզրակացություններ են անում հալ եպիսկոպոսական աթոռի շուրջ ծագած վեճից և անհիմն կերպով նույնացնում վերոհիշյալ վեճը շահելու և քաղաքը թուրքերին հանձնելու բոլորովին այլ բովանդակություն ու խնդիրներ ունեցող միմյանցից տարբեր հարցերը։ Ն. Մուրզակեիչը անտեսում է, որ Կաֆայի կառավարությունը նախ և առաջ հյուպատոսն էր, և լքե նա ստիպված է եղել համաձայնվել թուրքերի առաջարկություններին, ապա դա, բնականաբար, թելադրվում էր ստեղծված իրադրությունում։

Այսպիսով, շարադրվածից միանգամայն պարզ է դառնում, որ Կաֆա քաղաքի անկումը անմիջականորեն պայմանավորված էր սոցիալ-տնտեսական և արտաքին քաղաքական այն ծանր կացությամբ, որ ստեղծվել էր Զենովայի սեծովյան գաղթավայրերի համար XV դարի կեսերին։

К ВОПРОСУ О ПАДЕНИИ ГОРОДА КАФЫ

В. А. МИКАЕЛЯН

(Р е з ю м е)

В июне 1475 г. турецкие войска с помощью крымских татар, после пятидневной осады и артиллерийской бомбардировки, заняли г. Кафу—оплот и центр генуэзских торговых колоний на Черном море.

Некоторые клерикально-феодалные и буржуазные историки, не вникая в сущность событий, происходивших в Европе и на Ближнем Востоке в связи с завоеваниями султана Магомеда II во второй половине XV в., неправильно объясняют причины падения Кафы. К числу этих авторов относятся итальянский историк XIX в. Канале, предводитель католической церкви в России в конце XVIII в. Сестренцевич Богуш, В. Х. Кондораки и др.

Анализ фактического материала показывает несостоятельность мнения этих авторов. В статье рассматриваются внутренние и международные факторы, обусловившие захват турками г. Кафы.

⁹² ИТУАК, № 55, էջ 164.

⁹³ „Сын Отечества“, 1848, кн. 10, էջ 68.

⁹⁴ Н. Мурзакевич, История генуэзских поселений в Крыму, էջ 70.